



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1521. usque ad annum 1525

**Fleury, Claude**

**August. Vind. [u.a.], 1769**

**VD18 90118472**

§. 59. Prosper Obsidionem solve re compulsus.

---

[urn:nbn:de:hbz:466:1-66495](https://nbn-resolving.de/urn:nbn:de:hbz:466:1-66495)

**Sæcul. XVI.** bus, qui haud exiguum agmen conficie-  
**A.C. 1521.** bant. His copiis auctus Parmensem Du-  
 catum ingressus, urbem obsedit, cui Le-  
 scunus præter duo Italorum millia, quæ  
 sub Principe Friderico Bozzolo præsidia  
 agebant, quadringentos cataphractos  
 imposuit. Jamjam obsidentes tertia ir-  
 ruptione facta urbis propugnaculum flu-  
 mine ab urbe sejunctum occupabant,  
 cum ecce! Prospero Columnæ nuncia-  
 tur, quod Ferrariæ Dux cum centum  
 gravioris, ac ducentis levioris armatu-  
 ræ militibus, ac duobus peditum milli-  
 bus in aciem processisset, jamque Fina-  
 riū, & sancti Felicis castrum expug-  
 nasset, ac demum recta Mutinam con-  
 tenderet; Præterea eidem innotuit, quod  
 Lautrecus cum quingentis Lanceariis,  
 quinque Helvetiorum millibus, ac qua-  
 tuor Gallici peditatus millibus trajecto  
 Pado Parmensi urbi suppetias veniret.  
 Hoc accepto nuncio Prosper obsidionem  
 solvit, fuga sibi consulturus.

## §. LIX.

*Prosper Obsidionem solvere compulsus.*

**Guicci. I. 14.** **P**armam obsidione liberatam ægerrime  
 ferebat summus Pontifex; bellum  
 enim diuturnum fore præviderat, ac  
 Cæsare pecuniis destituto, totam sum-  
 ptuum molem Sedi Apostolicæ impen-  
 dere

dere pertimescebat ; aliunde Hispano-Sæcul. XVI.  
rum fidem sibi suspectam habebat, nec A.C. 1521.  
eos sincero animo rem agere suspicaba-  
tur. Attamen Hispaniæ Legatus de in-  
tegra suorum fide Papam securum red-  
debat, eique auctor erat, ut datis ad Se-  
dunensem Cardinalem literis Helvetii ex  
suis Pagis duodecim armatorum millia  
conscriberent. Obluctabantur dudum  
Helvetii , tandem vero Cardinalis pre-  
cibus cesserunt, ea tamen lege, ut hæ  
copiæ adversus Gallos arma capere non  
cogerentur; quodam enim articulo fœ-  
deris cum Francia initi cautum esse di-  
cebant, ne adversæ parti, si jamjam fœ-  
deratis copias subministrassent, ullo pa-  
cto militum suppetias mitterent. Ast  
hanc conditionem eludere, haud igna-  
rus erat Cardinalis. Sub idem tempus  
Papa etiam datis literis Prospero præ-  
cepit, ut trajecto Pado Mediolanensem  
Ducatum invaderet: Medicæus quoque  
Cardinalis relicta quantocius Florentia,  
Legati Apostolici munere suffultus su-  
premium fœderati exercitus imperium af-  
sumpsit, quod Columna & Piscarius li-  
benter eidem relinquebant, ne forte in-  
viti illud æmulo suo cedere cogerentur.

Ergo Medicæus exercitum ad Oll-  
rum flumen dicit, ut Rebeccanam  
urbem in Venetorum ditione quarto la-

H 2

pide

**Sæcul. XVI.** pide a Pontevico dissitam expugnaret.  
**A.C. 1521.** Hoc in loco hostis sibi plenam securitatem pollicebatur, eoquod Venetorum Legatus promisisset Pontifici, quod eorum Senatus, quamvis Dux cum Francisco Rege foedus pepigisset, Gallorum copiis ad nullam Reipublicæ urbem ingressum concessurus foret: unde quoque concludebat Legatus, Venetos nunquam eo duntaxat fine, ut unius fluvii transitum impedire possent, copias suas discrimini exposituros, ne forte exercitu suo semel profligato sese non minus, quam Mediolanenses alieno imperio subjicere compellerentur. Obstupuit tamen vehementer Legatus, postquam ei summo mane nunciaisset Columna, quod Lautrecus noctu Pontemvicum tormentis muniisset, ut cum illis Fœderatorum castra Rebeccæ posita infestaret.

### §. LX.

#### *Fœderatorum exercitum fundendi occasio a Lautreco neglecta.*

**E**nimvero tormentorum vis fœderatorum copias tanta clade afficiebat, ut post unius horæ intervallum tam præcipiti fuga castris exedere cogerentur, ut abs dubio, si Lautrecus tormenta sua Pontemvicum mittere distulisset, ac ipius cum suis copiis eo sese contulisset, fœde-